

COMUNICÂT STAMPE

ZORNADIS EUROPEANIS DE ARCHEOLOGJIE ai 13, 14 e 15 di Jugn dal 2025



Events de Sorintendence ABAP F-VJ in Friûl-Vignesie Julie

Di vinars ai 13 di Jugn fin a domenie ai 15, al torne l'apontament cu lis **Zornadis Europeanis de Archeologjie** - #EADays. La manifestazion e je inmaneade dal *Inrap* - Istitût nazionâl di ricercje archeologjiche preventive de France (*Institut national de recherches archéologiques préventives*) e promovude in Italie dal Ministeri de Culture – Direzion Gjenerâl Museus.

La Sorintendence Archeologjie, bielis arts e paisaç pal Friûl-Vignesie Julie e aderìs ancje chest an ae manifestazion cun **cetancj events** sul teritori tes zornadis di **sabide ai 14 e domenie ai 15 di Jugn dal 2025**, ancje in colaborazion cun ents statâi, locâi e di ricercje.

PROGRAM

- TRIEST E PROVINCE -



Visite itinerante in citât

La cueste platade

Sabide ai 14 di Jugn – Aes 9.30 – 11.30 – 15.30 -17.30

Archeolics de Sorintendence a compagnaràn il public intun percors itinerant par cirî lis olmis de linie di cueste de colonie di Tergeste in ete romane. Dal Teatri roman che al jere su la rive dal Adriatic, ae Basiliche paleocristiane di vie Madonna del Mare; la visite e tocjarà ancje lis areis archeologjichis mancûl cognossudis, par esempli la strade romane di plaçute Santa Lucia o i rescj dai imbarcjadôrs te zone di Cavana.

Partence devant dal Teatri roman (aes 9.30 – 11.30 – 15.30 - 17.30).

Durade dal percors: une ore e mieze cirche.

Jentrade libare, no plui di 30 personis.

Prenotazion obligatorie al leam:

<https://sabapfvg.cultura.gov.it/giornate-europee-dellarcheologia-13-14-e-15-giugno-2025/>



Antiquarium di Via del Seminario (Triest, vie del Seminario, 2)

Viertidure de aree archeologjiche

Sabide ai 14 di Jugn – orari 10.00-12.00

Tal *Antiquarium* si puedin viodi lis muris de tarde Republiche voludis di Otavian tal 33-32 p.d.C. par difindi la colonie di Tergeste logade su la piche dal cucl di Sant Just. Tal principi dal secul II d.d.C. lis muris no coventavin plui pe difese, ma a jerin buinis par contignî e par fâ di teraçament ai edificis fats sù a mont: culi si viôt une vascje cul fonts di crep, doprade salacor par fâ vueli.

Jentrade libare (fin ae capience massime)



Grote dal Mitreu (Duîn Nabresine - TS)

Viertidure de aree archeologjiche

Sabide ai 14 di Jugn – Orari 10.00-12.00

La Grote dal diu Mitre, divinitât di divignince iraniche peade al cicli dal soreli e des stagjons, e jere frecuentade fin de ete neolitiche, e e je stade adadade in ete romane (dal secul II al IV d.d.C.) a lûc di cult dal Mitraisim, religjon salvifiche rivade a Rome dal Orient e che si è po slargjate vie pe ete imperiâl. Inte **ambientazion suggestive de Grote** si podaran osservâ i calcs dai rilêfs di calcâr cjatâts dentri dal sîl, adun cun cualchi iscrizion cun nons di oferents.

Si consee di meti sù scarpis sportivis adatis e di puartâsi daûr une butiliute di aghe.

Par informazions e prenotazions: flondar@libero.it; tel. +39 3396908950



Basiliche Paleocristiane (Triest, vie della Madonna del Mare, 11)

Viertidure de aree archeologjiche

Domenie ai 15 di Jugn – Orari 10.00-12.00

Al è ancjemò viert par cheste domenie, prime dal inizi dai lavôrs di ristrutturazion de aree archeologjiche, l'ingrès al edifici a crôs latine cu la abside polygonâl par difûr, costruît a cjaual dai secui IV e V d.d.C. Al è notabil il pavement a mosaic fat in dôs fasis diferentis: la prime e à decorazions gjeometriche in blancjis e neris; la seconde (dal secul VI d.d.C., che e je plui alte de prime di dome 6 centimetris) e à ancje decorazions policromis. Tai mosaics plui resints e je interessante la presince di iscrizions cui nons e lis professions dai benefatôrs de glesie.

Jentrade libare (fin ae capience massime)

Ultimis visitis prime de sierade temporanie pai lavôrs

- UDIN E PROVINCE -



Aquilee, Cjase Bertoli (Vie Patriarca Popone, 6)

Ae scuvierte di Cjase Bertoli e de sô “*conserva di lapide in Aquileja*”

Visite vuidade

Sabide ai 14 di Jugn – Orari 15.30-18.30

Si podarà visitâ la cjase e il zardin di Gian Domenico Bertoli, il pari de ricercje archeologjiche di Aquilee, cu la ilustrazion de sô racuelte epigrafiche e dai afrescs medievâi.

E sarâ prontade ancje une mostre di riproduzions di iscrizions di proprietât di Bertoli te jentrade de cjase museu par cure de Associazion Nazionâl par Aquilee.

Event par cure de Associazion Nazionâl par Aquilee APS (par informazions assaquileia@libero.it) e de Sorintendence Archeologjie, bielis arts e paisaç pal F-VJ.

Jentrade sore nuie e cence prenotazion, fin che si rive ae capience massime dal spazi

Par informazions: assaquileia@libero.it



Aquilee, aree archeologiche

ARCHEO OPEN DAY

Visitis cul archeolic tai cantîrs di sgjâf

Sabide ai 14 di Jugn – Aes 10.30-13.00 e aes 16.30-19.00

I archeolics e i restauradôrs de Fondazion Aquilee e des Universitâts a spietin i visitadôrs par contâur des ultimis scuvieris, dai risultâts des investigazions plui resintis, des storiis e des usancis de Aquilee antighe.

Par cure di: Fondazion Aquilee, Universitât di Padue, Universitât di Verone, Universitât Ca' Foscari di Vignesie, Universitât di Triest, Universitât dal Friûl e Sorintendence Archeologjie, bielis arts e paisaç pal Friûl-Vignesie Julie.

Jentrade libare cence prenotazione.

Areis visitabilis: Forum - Decuman e cente a zigzag - Termis grandis – Teatri roman - Puart fluviâl antîc - Rive orientâl dal puart fluviâl – Marcjâts antîcs (Font Pasqualis) Domus romanis (Font Cal).

Par informazions su lis altris iniziativis a Aquilee: protocollo@fondazioneaquileia.it

- PORDENON E PROVINCE -



Vile romane (Pordenon, localitât Tor - Vie Vittorio Veneto, tal Parc comunâl dal Nunciel)

Museu Archeologic dal Friûl Occidentâl (Pordenon, localitât Tor - Vie Vittorio Veneto, n. 19)

Viertidure straordenarie, visitis vuidadis e laboratoris

Sabide ai 14 e Domenie ai 15 di Jugn

Il studi associât Eupolis e il Museu Archeologic dal Friûl Occidentâl, in colaborazion cu la Sorintendence, a proponin une schirie di ativitâts par visitâ e valorizâ il sît archeologic de Vile romane di Tor di Pordenon e il Museu Archeologic li dongje.

Program

Sabide ai 14 di Jugn

9:00-12:00 / 15:00-19:00 Viertidure dal Museu Archeologic dal Friûl Occidentâl

Domenie ai 15 di Jugn

10:00-12:00 Viertidure de Vile (cun **visite vuidade** des 10:00 aes 11:00)

9:00-12:00 Viertidure dal Museu (cun **visite vuidade** des 11:00 aes 12:00)

14:30-16:30 Viertidure de Vile (cun **visite vuidade** des 14:30 aes 15:30)

15:00-19:00 Viertidure dal Museu (cun **visite vuidade** des 15:30 aes 16:30)

16:30-18:30 **Laboratori intal Museu** “Mission archeolic: sgjâf di famee”, par fruts accompagnâts, tal Museu Archeologic dal Friûl Occidentâl

Laboratori gratuit su prenotazione scrivint a: prenotazionimusei@comune.pordenone.it o clamant il 3804614951

Par cure di Eupolis Studio associato, Museu Archeologic dal Friûl Ocidentâl, Sorintendence Archeologjie, bielîs arts e paisaç pal F-VJ.

Jentrade e visitis sore nuie cence prenotazion.

Par informazions: prenotazionimusei@comune.pordenone.it / didattica@eupolis.info

* * *

Il calendari di ducj i events des Zornadis Europeanis de Archeologjie si pues consultâ sul sît

<https://journées-archeologie.eu/>

Triest, ai 9 di Jugn dal 2024

Ufici Comunicazion e Promozion de Sorintendence Archeologjie, bielîs arts e paisaç pal Friûl-Vignesie Julie

sabap-fvg.comunicazionepromozione@cultura.gov.it

+39 040 4527527 | +39 3404805097

<https://sabapfvg.cultura.gov.it/>

<http://www.facebook.com/SABAP.FVG>